



agriculture & rural development

Department:
agriculture
& rural development
PROVINCE OF KWAZULU-NATAL

Isolezwe, 2 July 2018, Page 12

**UNKSZ Mpho Selepe,
uMnuz Tsepang
Molefe usihlalo
weThandabantu Wool
Growers eNquthu
noNksz Nyeteling
Molefe bekombisa
uNgqongqoshe
wezoLimo KwaZulu-
Natal uMnuz Themba
Mthembu umsebenzi
wabo**

Isithombe:
SITHUNYELWE



Intsha ikhuthazwa ukuthi ithole umhlaba

PHILI MJOLI

EZOLIMO zizofadabala uma intsha ingakukhuthalele ukuthola umhlaba.

Lokhu kushiwo nguNgqongqoshe wezoLimo KwaZulu-Natal, uMnuz Themba Mthembu, eNquthu ngesikhathi eyokwethula ngokusemthethweni uhlelo lwezolimo eluzodla umnyango uR223 million njengoba bekuvalwa inyanga yentsha ngempelasonto.

Phakathi kwabantu

abasethubeni elihle lokuhlomula kubalwa uhlelo lokukhiqizwa kzewuli yiThandabantu Wool Growers .

N galolu hlelo kuhloswe ukuthi kuthuthukiswe amakhono abesifazane nentsha ethanda ukungena kwezolimo.

UMthembu uthe uyazi ukuthi kusenezinselelo ezinkulu ngasohlangothini lokutholakala komhlaba ozosetshenziselwa ezolimo, ikakhulukazi kubantu besifazane nentsha efisa ukungena kwezolimo.

"Yingakho igembu elibusayo kufanele liqale uhlelo lokuthathwa komhlaba ubuyiselwe kwababephucwe wona ngaphandle kokunxeshezelwa kwalabo osezandleni zabo njengamanje. Ngeke sikhazi ukujabulela izithelo zombuso wentando yabantu uma singakakakulungisi okubi okwenzeka ngesikhathi sobandululo," kusho yena.

Unxuse intsha ukuthi kube yiyo eba sekhaleni lomkhankaso wokuthuthukiswa kwayo.

"Konke kusezandleni zenu. Intsha yakuleli ilinganiselwa ku-36.2%, okusho ukuthi ngokwezibalo sinentsha eningi, yenzani lezi zinombolo zinisebenzele," kusho yena.

**UKUQOKELWA UKUBA YILUNGU LEKOMIDI ELIBHEKELELE
UKHLOLISHWA KOKUFUNDA OKWENZEKE PHAMBILINI:
EZOKWELAPHA KWENDABUKO NOKUSEBENZA KWAZO**